

蕃列傳第一百四十一下

唐書二百十六下

宋 祁 奉

撰

國朝

來三六曆間莊遣使者來聘於是戶部尚書薛景山往報詔宰相與吐蕃使  
 者盟俄寇靈州掠宜祿郭子儀精甲三萬戍涇陽入屯奉天靈州兵破虜二  
 萬上級五百首景仙與倫泣陵偕來請增鳳林關而路悉等十五人又來二  
 年虜引眾十萬復攻靈州略邠州先是尚悉結自寶應後數入邊以功高請  
 老而贊磨代之為東面節度使曹河隴邠寧馬璘朔方將白元光再破其眾  
 獲馬羊數千劍南亦破虜萬人尚悉等復來朝天子以虜數入塞詔治守障  
 徙當悉柘靜恭五州皆據險以守八年虜六萬騎侵靈州敗民稼進寇涇州  
 渾瑊與戰不利副將死略數千戶瑊整卒夜龍套其營涇原馬璘以兵掩之潘  
 原射豹皮將死軍中哭入道去璘收所俘士及男女而還郭子儀又破其眾  
 十萬九年帝遣諫議大夫吳損脩好虜亦使使者入朝於是子儀屯邠州李  
 抱玉屯高壁馬璘屯原州李忠臣涇州李忠誠屯鳳翔臧希讓屯渭北備  
 虜又明年西川節度使崔寧破虜於西山虜攻臨涇隴州次普潤焚掠人  
 畜與抱玉戰義寧破之道涇州璘尾追敗之於百里又明年崔寧破虜故洪  
 節度氏靈竟項等兵斬首萬級禽酋領千人牛羊廩鎧其眾獻之朝吐蕃不



得志入掠黎雅於是劍南兵合南詔與戰破之禽大籠官論器然又侵坊州  
取党項牧馬崔寧攻望漢城破之山南西道節度使張獻恭戰岷州吐蕃走  
寧破西山三路及邛南兵斬首八千級十三年虜大酋馬重英以四萬騎寇  
靈州塞漢御史尚書三渠以擾屯田為朔方留後常謙光所逐重英殘賊虜  
而去乃南合南詔眾二十萬攻茂州略扶文遂侵黎雅時天子已發幽州兵  
馳拒虜大奔破初虜使數至留不遣所俘虜口悉部送江南德宗即位先內  
靖方鎮顧歲與虜確其亡獲相償欲以德綏懷之遣太常少卿韋倫持節歸  
其俘五百厚給衣褚切救邊吏護亭障無輒侵虜地吐蕃始聞未信使者入  
境乃皆感畏是時乞之拜贊為贊普姓盧提氏曰我乃有三恨不知天子喪  
不及弔一也山陵不及賻二也不知虜即位而發兵攻靈州入扶文侵灌口  
三也即發使者隨倫入朝帝又遣倫還蜀俘虜以倫再至歡甚授館作聲樂  
九日留以論欽明思等五十人從獻方物明年殿中少監崔漢衡往使贊普  
猥曰我與唐舅甥國詔書乃用臣禮卑我又請雲州西盡賀蘭山為吐蕃  
邀漢衡奏天子乃遣一蕃使判官常魯與論悉諾羅入朝道贊普語曰引  
龍詔書曰唐使至甥先與盟蕃使至舅亦將親盟贊普曰其禮亦均帝許之  
以獻為進賜為寄領取為領之以前宰相楊炎不通故事為解并約也

唐與吐蕃未結誓殺人以劍南之敗未報不助和議次相尚結贊有謀  
請休兵贊普卒用結贊為大相乃講好漢衡以其使區頰贊偕交約盟  
項上拜漢衡為臚卿以都官員外郎樊澤為計會使與結贊約且告隴右節  
度使張鑑同盟澤與結贊約盟清水以牛馬為牲鑑欲未其禮乃給結贊曰  
唐非牛不田蕃非馬不戰請用犬豕羊結贊聽諾將盟乃除地為壇約二國  
各以二千士列壇外穴從立壇下鑑與幕府齊映齊抗鴻臚漢衡計會使  
于頓及澤魚皆朝服結贊與論悉頰藏論藏執論利陀論力徐等對升壇刑  
牲壇比雜其血以進約唐地涇州右盡彈箏峽隴州右極清水鳳州西盡同  
谷劔南盡西山大度水吐蕃守鎮蘭渭原金昌臨洮東成州抵劔南西磨些  
諸蠻大度水之西南盡大河北自新泉軍抵大磧南極賀蘭羣它領其間為  
閉田二國所棄戍地毋增兵毋創城堡毋耕邊田既盟請諡諸壇西南隅俘  
虜悉為置於是升壇大享獻酬乃還帝命宰相尚書與虜使者盟長安而清  
水之約疆場不定復令漢衡決於贊並見克盟於是宰相李中丞盧杞關播  
崔寧工部尚書喬琳御史大夫于頔太府卿張獻恭司農卿段秀實少府監  
李昌胤京兆尹王玼金吾衛大將軍渾瑊與區頰贊等同盟京城之右郊禮  
如清水前二月告朝齊三日關播跪讀載書已盟乃大享詔左僕射李揆為



入蕃會盟使還區頰贊等朱泚之亂吐蕃請助討賊詔右散騎常侍于頔持節討吐蕃少卿沈房為安西北廷宣慰使以報之渾瑊用論莽羅兵破泚將能曼於武亭川初與虜約得長安以涇靈四州界之會大疫虜輒引去及泚十員先約求地天子薄其勞第賜詔書償結贊莽羅等帛萬匹於是虜以而然貞元二年詔倉部郎中趙建往使而虜已犯涇隴邠寧掠人畜敗田稼內州皆閉壁游騎至好時左全吾將軍張獻甫神策將李昇曇等屯咸陽河中渾瑊華州駱元光援之以左監門將軍康成使焉尚結贊屯上砦原亦令使論乞陀來請盟鳳翔李晟遣部將王佖以銳兵三千夜入汧陽明日薄其中軍虜驚潰走結贊僅自脫虜眾二萬侵鳳翔李晟擊卻之因襲破摧沙堡燒儲庫斬守者吐蕃攻鹽夏刺史杜光拓拔乾暉不能守悉其眾南奔虜遂有其地天子以邊人死於下詔避正殿痛自咎詔駱元光經略鹽夏三年命左庶子崔幹李錡隨使結贊得鹽夏皆戍以兵乃自屯鳴沙然饋餉數困於是駱元光韓游瓌濱塞而屯馬燧次石州跨河相犄角結贊大懼屢請盟天子不許即以貴將論頰執厚賂乞和於燧燧以為情身入見天子諸將以燧入皆守壁不戰結贊遂還走馬多死士不能步有飢色辭始至鳴沙傳詔讓結贊破約陷鹽夏對曰今以武亭功未償乃求又候碑仕疆場不明故行

境內有鳳翔李全不納吾使雖康成等求皆不能致委曲我日天子復許盟虜之願也唯所命當以鹽夏還唐又言清水盟大臣少故約易壞詰問未遣宰相元帥二十一人會盟并言靈鹽節度使杜希全涇原節度使李觀外蕃所信請王盟帝復使澣報結贊曰希全守靈州有分地不可以越境觀既徙官以渾瑊為盟會使約五月盟清水使先效三州以驗虜信結贊辭清水非吉地請會原州之士黎樹乃歸二州天子從之瑊來受命拜漢衛兵部尚書以副城瑊率師二萬待詔駱元光助之宰相議所盟地左神策將馬有鄰建言王約不附林奮嚴阻立身說伏不如平涼夷漫坦直且近涇緩急可保也乃定盟平涼瑊約結贊王客均以兵三千至壇外誕從四百叩壇以符車文補相入將盟結贊伏精騎三萬于西縱邏騎出入城軍瑊將梁奉自入城虜入虜軍營陰執之而城不知也客請瑊等具冠劍比就幄更衣從虜虜然三伐鼓眾譟而興瑊不知所出走幄後得馬不銜而馳十里始知虜追矢若雨不傷也至元光營乃脫裨將辛榮兵數百據北阜與虜戰虜盡乃降判官韓弁監軍宋鳳朝死之漢衡與判官鄭叔矩路必堂書記袁剛直列將扶餘隼馬寧孟百華李至言樂演明范澄馬弁中人劉延邕俱文







北廷都護府安西道絕獨西州人尚為唐守八年寇靈州陷水口塞營田渠  
發河東拔武兵合神策軍擊之虜引還又寇涇州掠田軍千人守捉使唐朝  
臣戰不利山南西道節度使嚴震破虜于芳州取黑水壁焚積聚自虜得  
州某誘無以障逼而靈武單露廊坊侵迫寇日以驕數入為邊患帝復詔城  
之使涇原劍南山南深入窮討分其兵毋令專向東方詔朔方河中管絳邠  
寧五為副元帥渾瑊朔方靈瑊豐夏銀節度都統杜希全邠寧節度使張  
獻甫右神策軍行營節度使邢君牙夏綬銀節度使韓潭廊坊丹延節度使  
王栖曜振武麟勝節度使范希朝合兵三萬以左神策將軍胡堅右神策將  
軍張昌為隨州行營節度使板築之役者六千人餘皆陣城下九年始裁閱  
二旬訖功而虜兵不出遂以兼御史大夫紇于遂與兼中丞杜彦光戎之當  
是時韋臯功最多破堡壁五十餘所敗其南道元帥論莽執沒龍乞悉苾又  
與南詔破之于神川于鐵橋臯俘馘三萬降首領論乞髡湯沒藏悉諾碑十  
二年寇慶州及華池殺略吏人是歲尚結贊死明年贊普死其子足之前立  
邢君牙築永信城于隴州以備虜虜使者農桑者來請脩好朝廷以其無信  
不受韋臯取新城虜亦劔山馬嶺進寇臺登隴州刺史曹高仕擊卻之禽籠  
官斬級三百獲馬糧械數千十四年韓全義破虜于靈州十六年靈州破虜

子烏蘭滿韋臯後未幾城二城十七年寇鹽州陷麟州殺刺史郭鋒淫醜  
州虜若欲據之頃謂部也橫槽烽虜將徐舍人者語倖道之延素曰我乃司  
空重孫也武后時家祖以兵尊王室不克子孫奔播絕域今三世矣我  
雖握兵心未嘗忘歸也顧不能自拔耳陰使延素夜逸又言吾按邊求塗糶  
至麟而守者無備遂入之知郭使君勳自家欲全安之不幸死亂兵語方已  
會飛鳥使至召其軍還遂引去飛鳥猶傳騎也韋臯出西山與虜戰破之雅  
州寵官馬定德本虜之知兵有策虜者周知山川險易每用兵常馳驛計議  
授諸將以行比年寇熱舊常折其兵定德思得罪遂來降因定昆明諸蠻  
吐蕃以下屢叛大侵靈州時臯圍維州禁普使論莽執沒藏悉苾龍兼松州  
五道節度使為都統群牧大使引兵十萬援維州臯率南詔其薄險設伏以  
待維州人喜敵乞悉苾見兵寡悉眾追墮伏中兵四合之擊遂禽之獻  
師明年吐蕃使者論頰執復采右龍武大將軍薛任往報二十五年其首死  
二部侍郎張善平祠其弟嗣立再使使者入朝順宗立以左金吾衛將軍田  
景夏為節度使外郎能執易持節往使求貞元年論乞縷勃藏歸金幣  
崇峻有詔陳太極廷中憲宗初遣使者脩好且還其俘又以使告順宗  
蕃亦以調勃藏來後比年來朝然以五萬騎入振武拂鶻泉萬騎至靈州大



石谷鈔回鶻國者五年以祠部郎中徐復往使并賜鉢闡布書鉢闡布言  
虜浮屠者事者也亦曰鉢制軍通復至鄯州擅還其副李達致命贊  
取虜以謝且歸鄭叔矩路必之柅因言願歸奉原安樂州  
相杜祐等與議中書論思邪執拜子廷佑答拜堂上復以鴻臚少卿李錫丹  
王府長史吳暈報之自是朝貢歲入又款隴州塞西互市詔可十二年吳普  
死使者論乞歸來以右衛將軍烏重元殿中侍御史段鈞手祭之可黎可斤  
立為贊普重元以扶餘進奉驃僭歸東明人本胡方騎將諒隴西人自元  
初戰沒于虜者使者知不死求之乃得還詔以進為滑王府司馬駱真王友  
咄番使論矩立藏來朝未出境吐蕃寇宥州與靈州兵戰定遠城虜不勝斬  
首二千級平涼鎮遏使郝玘又破虜兵二萬夏州節度使田緝破其眾三千  
詔留矩立藏等不遣劍南兵拔峨和柘城十四年乃歸矩立藏等吐蕃節  
度論二麻宰相尚塔藏中書令尚綺心兒惣兵十五萬圍鹽州為飛梯鵝車  
攻城刺史李文悅拒之城壞輒補夜襲其營晝出戰被虜萬人積三旬不  
能拔朔方將史訖奉以奇兵繞出虜背大破之解圍去始少州刺史周鼎鼎為  
唐高守其普從帳南山使尚綺心兒攻之鼎請救回鶻踰羊不至議於城郭  
引眾東奔皆以為不可鼎遣都知兵馬使閻朝領計士行視水草晨入謁

行與普親吏周少奴其射殺弓揖讓射少奴即死執其將而益殺之自領州事  
城守者六年出綾一端募交一斗應者甚眾朝喜曰民且有食可以死守也  
又二歲糧械皆竭登城而譁曰苟毋徙他境請以城降綺心兒許諾於是出  
降自攻城至是凡十一生贊普以綺心兒代守後疑朝謀變置毒鞭中而死  
州人皆胡服皆虜每歲時祀父祖衣中國之服號慟而藏之穆宗即仁遣秘  
書少監田洎往告使者亦來虜引兵屯靈武靈州兵擊却之又犯青塞烽  
進寇涇州瀕水而營縣五十里始洎至牙虜欲會盟長武洎舍柎雁之至是  
顯言洎許我盟我是以來逼涇一舍止詔右軍中尉梁守謙為左右神策軍  
京西北行營都監發卒合八鎮兵援涇州賊洎柳州司馬參軍以太府少卿  
邵同持節為和好使初夏州田緝東齊党項怨之道虜入鈔郝玘與戰多殺  
其眾李光顏又以邠兵至乃引去復遣使者來南略雅州詔方鎮與虜接者  
謹備邊虞元年間回鶻和親犯清塞保為李文悅所逐乃遣使者尚綺力  
陳以求盟且乞盟詔許之崔植杜元穎王播輔政議欲告廟禮官謂肅宗  
代宗皆嘗與吐蕃盟不告廟德宗建中之際將重其約始詔告廟至會平涼  
不復告殺之也乃止以大理卿劉元鼎為盟會使右司郎中劉師老副之詔  
宰相與尚書右僕射韓臯御史中丞牛僧孺吏部尚書李絳兵部尚書蕭悅



戶部尚書楊於陵禮部尚書韋授太常卿趙宗儒司農卿裴武京北尹柳公  
綽右金吾將軍郭縱及吐蕃使者論訥羅盟京師西郊贊普以盟言約三  
無相殺讎有禽生問事給服糧歸之詔可大臣豫盟者悉載名於策方  
吐蕃以壯騎屯曹州靈州節度使李進誠與戰大石山破之虜遣使者趙  
章來且致宰相信幣明年請定疆條元鼎與論訥羅就盟其國救虜大臣亦  
列名于策元鼎踰成紀武川城河廣武梁故時城郭未隳蘭州地皆稱  
李榆柳岑蔚戶皆唐人見使者麾蓋道觀至龍支城老千人拜且泣問  
天子安否言頃從軍沒于此今子孫未忍忘唐服朝廷尚念之乎兵向日來  
言已皆嗚咽密問之豐州人也過石堡城崖壁峭峻道回屈虜曰鐵刀城右  
行數十里土石皆赤虜曰赤嶺而信安王韓瑋守瑋所定封石皆仆獨虜所  
立石猶存赤嶺距長安三千里而贏蓋隴右故地也曰悶怛盧川直邏婁川  
之南百里臧河所流也河之西南地如砥原野秀沃夾河多檉柳山多栢坡  
皆丘墓旁作屋頽塗之繪白虎皆虜貴人有戰功者生衣其皮死以旌勇徇  
死者瘞其旁度悉結羅諸蠻不通車道金城公主道也至麋谷就館臧河之  
北川贊普之夏牙也周以檢校率十步植百長槩中刺大幟為三門相距皆  
百步甲士持門巫祝鳥冠虎帶擊鼓凡入者搜索乃進中有高臺覆以青

於贊普坐帳中以黃金飾蛟螭虎豹身被素褐結朝霞曾百佩金鏤劍鋒製  
通立于石室相如臺下唐使者始至給事中論議者執來議盟大耳於牙  
飯舉滿行與華制略等樂奏秦王破陣曲又奏涼州胡渭錄要雜曲百伎皆  
中國人盟壇廣十步高二尺使者與虜大臣十餘對位酋長百餘坐壇下上  
設巨榻鉅制通升告盟一人自旁譯授于下已而血針制通不執盟單以浮  
屠重為誓引灑金水以飲與使有交慶乃降元鼎還虜元帥尚塔藏館客大  
夏川集東方節度諸將百餘置盟策其掌漏曉之且戒各保境毋相暴犯策  
署彝泰七年尚塔藏詔元鼎曰回鶻小國我嘗討之距城三百危破會國有  
喪乃還非我敵也唐何所畏乃厚之元鼎曰回鶻有功且如約未始妄以兵  
取尺寸地是以厚之塔藏默然元鼎踰連水至龍泉谷西北望殺胡川哥舒  
翰故壘多在渾水出蒙谷抵龍泉與河合河之上流驟洪濟梁西南行二千  
里水命極春可飲秋可飲勝舟其南三百里三山中高而四下曰紫山直大  
羊同國古所謂崑崙者也虜曰悶摩黎山東距長安五千里河源其間流終  
緩下稍合衆流色赤行益遠它水并注則濁故世舉謂西戎地曰河湟河源  
東北直莫賀延磧尾始五百里磧廣五十里北自以州西南入吐谷渾高峻  
故號磧尾隱測其地蓋劔南之西元鼎所經見大略如此虜遣論悉諾魯等







離罷子不從乃辭疾先歸罷子急擊恐執一戰而死婢婢糧盡引甘州  
西境以爲據光居守恐熱麾下多歸之恐熱大略鄯廓瓜肅伊等州  
過捕獲之狼藉麾下約怨皆欲圖之乃揚聲將請唐兵五十萬其  
保渭州不丹爲贊普表歸唐宣宗詔大僕卿陸贄持節慰勞命厚武  
鳳翔邠寧振武等兵迎接恐熱既至贄言李承勳謀就問所爲恐熱  
夸自大且求河湟節度使帝不許贄曰我與大事觀得渭此  
河與唐分境於是復趨落門川收散卒將寇邊會之兩糧絕恐熱還奔鄯州  
於是鳳翔節度使李承勳復清州原節度使康季榮復原州取石門等六關  
得人畜穀萬靈武節度使李承勳復安樂州詔爲鳳州邠寧節度使張欽緒復  
蕭關鳳翔以秦州山南西道節度使鄭涯得扶州鳳翔兵與吐蕃戰隴州斬  
首五百級是歲河隴高王十餘見關下天子爲御延喜禮賜冠帶皆爭解辦  
易服因詔差賜四道兵銀有勞者三州七關地腹行者聽民墾執貨五歲賦  
溫池委度支推其議以贍邊四道兵能營田者爲給牛種戎者倍其資餼再  
歲一代高貴往來於邊者關鎮毋何節度使初太宗平薛仁果  
得隴上地唐李軌得河隴破之谷連山七關四鎮玄宗繼收之唐武宗  
等軍中國無兵使諸者幾四十年唐武宗五年田于河隴聖開遠門揭微署

曰而極道九千九百里示戍人無萬里行也乾元後隴右劔南西山三州七  
關軍鎮監牧三百所皆失之憲宗常覽天下圖見河隴舊封赫然思經略之  
未暇也至是群臣奏言王者建功立業必有以光表於世者人之不勤一卒血  
一刃而河隴自歸請上天子尊號帝曰憲宗嘗念河隴業未就而祖落今當  
述祖宗之烈其議上順憲二廟謚號夸顯後世又詔朕姑息民其山外諸州  
須後經營之明年沙州首領張義潮奉瓜沙伊肅甘等十一州地圖以獻始  
義潮陰結豪英歸唐一日眾擐甲諫州門漢人皆助之虜守者驚走遂攝州  
事繕甲兵耕且戰悉復餘州以部校十輩皆操挺內表其中東北走天德城  
防禦使李丕以聞帝嘉其忠命使者齎詔收尉擢義潮沙州防禦使俄就歸  
義軍遂爲節度使其後河渭州虜將尚延心以國破亡亦勵款秦州刺史高  
駢訪降延心及軍末部萬帳遂收二州拜延心武衛將軍駢收鳳林關以延  
心爲河渭等州都游弈使咸通二年義朝奉涼州來歸七年北廷回鶻僕固  
俊擊取西州收諸部鄯州城使張季頤與尚恐熱戰破之收器鎧以獻吐蕃  
餘衆祀邠寧節度使薛弘宗卻之會僕固俊與吐蕃大戰斬恐熱首傳其  
八年義朝入朝爲右神武統軍賜第及田命族子淮深守歸義十二年沙  
州以長史曹義金領州務遂授歸義節度使後中原多故王命不及甘州爲



回鶻所并歸義諸城多沒運末亦曰盟禾吐蕃奴部也虜法出師必發其  
皆以奴從平居散處耕牧及恐執亂無所歸共相嘯合數千人以盟末自號  
居甘肅瓜沙河渭岷廓壘其間其近蕃牙者取勇而馬尤良云  
贊曰唐與四夷有弗率者皆利其移之慶其牙掣其廷而後已惟吐蕃  
號疆雄為中國患最久贊普遂盡盜河湟漣王畿 為東境化京師  
輔殘馘華之謀夫虜帥圍視共計卒不得要領晚節二姓自云而唐  
夫外撫內寧惟聖人不讓玄宗有逸德而拓地太夫務遠功忽所  
奮中原封裂訖二百年不得復完而至陟夷然則內先自治  
守成之良資也

列傳一百四十一下

回鶻列傳第一百四十二上

唐書二百一十七上

宋祁奉 敕撰

回紇其先匈奴也俗多乘高輪車元魏時亦號高車部或曰敕勒訛為鐵  
其部落曰袁紇薛延陀契苾羽都播骨利幹多覽葛僕骨拔野古同羅渾思  
結斛薛奚結阿跌白雷凡十有五種皆散處磧北袁紇者亦曰烏護曰烏紇  
至隋曰韋紇其人驍彊初無酋長逐水草轉徙善騎射喜盜劫百于突厥突  
厥資其財力雄北荒大業中處羅可汗攻脅鐵勒部哀責其財既又恐其  
則集渠豪數百悉阮之韋紇乃并僕骨同羅拔野古叛去自為俟斤捕回  
回紇姓華羅葛氏居薛延陀北娑陵水上距京師七千里衆十萬勝兵半  
地磧凶畜多大足羊有時健俟斤者衆始推為君長子曰菩薩材勇有  
獵射戰必身先所向輒摧破故下皆畏附為時健所逐時健死部人賢菩薩  
立之母曰烏羅渾性嚴明能決平部事回紇繇是寔成蓋薛延陀共攻突厥  
北邊頡利遣欲谷設領騎十萬討之菩薩身將五千騎破之馬鬣山迨北至  
天山大俘其部人聲震北方繇是附薛延陀相脣齒號活頡利發樹牙獨樂  
水上貞觀三年始來朝獻方物突厥已亡惟回紇與薛延陀為最雄疆菩薩  
死其酋胡祿俟利發吐迷度與諸部攻薛延陀殘之并有其地遂南踰賀蘭



山境諸河遣使者獻款太宗為幸靈州次涇陽受其功於是鐵勒十一部皆  
來言延陀不事大國以自取亡其下屬駭鳥散不知所之今各有分地願歸  
命天子請置唐官有詔張飲高會引見渠長等以唐官官之凡數千人明年  
復入朝乃以回紇部為瀚海多覽葛部為燕然僕骨部為金微拔野古部為  
幽陵同羅部為龜林思結部為盧山皆號都督府以渾為阜蘭州斛薛為高  
關州阿跌為雞田州契苾羽為榆溪州突結為雞鹿州思結為帶林州白霄  
為寘顏州其西北結骨部為堅昆府北骨利幹為玄關州東北俱羅勃為燭  
龍州皆以酋領為都督刺史長史司馬即故單于臺置燕然都護府統之六  
都督七州皆隸屬以李素立為燕然都護其都督刺史給玄玉魚符黃金為  
文天子方招寵遠夷作絳黃瑞錦文袍寶刀珍器賜之帝坐祕殿陳十部樂  
殿前設高坵置朱提瓶其上清泉浮酒自左閣通坵趾注之瓶轉受百斛錄  
盜回紇數千人飲畢尚不能半又詔文武五品官以上祖飲尚書省中渠領  
共言生荒陋地歸身聖化天至尊賜官爵與為百姓依唐若父母然請於回  
紇突厥部治大涂號參天至尊道世為唐臣乃詔磧南鷓鴣泉之陽置過郵  
六十八所具群馬渾肉待使客歲內貂皮為賦乃拜吐迷度為懷化大將軍  
瀚海都督然私自號可汗署官吏臺似突厥有外宰相六內宰相三又有都

督將軍司馬之號皆見於時倭俟斤它部為祁連州隸靈州都督白雷七部  
為居延州其後漢兒于烏紇亦吐迷度之妻遂與俱陸莫賀達干俱羅勃  
亂而歸東奔可汗二人者皆車鼻婿故烏紇領騎夜劫吐迷度殺之燕然副  
都護元禮臣遣使給烏紇許白為都督烏紇不疑即往謝因斬以徇帝恐諸  
部攜解命兵部尚書崔敦禮持節臨撫贈吐迷度左衛大將軍賜參備厚擢  
其子婆閏左驍衛大將軍龍表交所領俱羅勃既入朝帝不追阿史那賀魯之  
盜北廷婆閏以騎五萬助契苾何力等破賀魯收北廷又從伊麗道行軍擢  
管任雅相等再破賀魯金牙山遷右衛大將軍從討高麗有功婆閏死子比  
栗嗣龍朔中以燕然都督府領回紇更號瀚海都護府以磧為限大抵北諸  
蕃悉隸之比粟死子獨解支嗣武后時突厥默啜方彊取鐵勒故地故回紇  
與契苾思結渾三部度磧徙甘涼間然唐常取其壯騎佐赤水軍云獨解支  
死子伏帝匍立明年助唐攻殺默啜於是別部移健頡利發與同羅雷等皆  
來詔置其部於大武軍北伏帝匍死子承宗立涼州都督王君奭誣暴其罪  
流死澤州當此時回紇稍不循族子瀚海府司馬護輸乘眾怨其殺君奭梗  
絕安西諸國朝貢道久之奔突厥死子有力裴羅立會突厥亂天寶初裴羅  
與高邏祿自稱左右葉護助拔悉密擊走烏蘇可汗後三年龍襄破拔悉密斬



頡跌伊施可汗遣使上狀自稱骨咄祿毗伽闕可汗天子以為恭義三南居  
突厥故地徙牙烏德韃山昆河之間南距西城千七百里西城漢高祖也  
此盡磧口三百里悉有九姓地九姓者曰藥羅葛曰胡咄葛曰咄羅勿曰貊  
歌息訖曰阿勿啗曰葛薩曰斛盟素曰藥勿葛曰奚邪勿藥羅葛回紇姓也  
與僕骨渾拔野古同羅思結契苾六種相等夷不列於數後破有拔悉蜜葛  
邏祿摠十一姓並置都督號十一部落自是戰常以二客部為先鋒有詔拜  
為骨咄祿毗伽闕懷仁可汗前殿列仗中書令內案授冊使者使者出門升  
輅至皇城門降乘馬幡節導行凡冊可汗率用此禮明年裴羅又攻殺突  
厥白眉可汗遣頓啜羅達干來上功拜裴羅左驍衛員外大將軍斥地愈廣  
東極室韋西金山南控大漠盡得古匈奴地裴羅死子磨延啜立號葛勤可  
汗剽悍善用兵歲遣使者入朝肅宗即位使者來請助討祿山帝詔燉煌郡  
王承家與約而今僕固懷恩送王因召其兵可汗喜以可敦妹為女妻承家  
遣渠領來請和親帝欲因其心即封虜女為毗伽公主於是可汗自將與朔  
方節度使郭子儀合討同羅諸蕃破之河上與子儀會尋延谷可汗恃其疆  
陳兵引子儀拜狼曩而後見帝駐彭原使者葛羅支見取班下帝不欲使鞅  
鞅引升殿慰石遣俄以大將軍多攬等造朝及太子葉護身將四千騎來惟

所命帝因册毗伽公主為王妃擢承家宗正卿可汗亦封承家為葉護給四  
節金裝其葉護共將帝命廣平王見葉護約為昆弟葉護大喜使首領達干  
等先到扶風見子儀子儀犒飲三日葉護辭曰國多難我助討逆何敢食固  
命乃留既行日賜牛四十角羊八百蹄米四十斛香積之戰陣上賊詭伏  
騎於王師左將襲我僕固懷恩麾回紇馳之盡剪其伏乃出賊背與鎮西北  
廷節度使李嗣業夾彆之賊大敗進收長安懷恩率回紇南蠻大食眾奔都  
而南壁薩東進次陝西戰新店初回紇至由沃葉護使將軍鼻施吐撥裴羅  
勞南山東出搜賊伏谷中殲之營山陰子儀等與賊戰傾軍逐北亂而卻回  
紇望見即踰兩嶺曳旗趨賊出其後賊反顧遂大潰追奔數十里人馬相騰  
蹂死者不可計收仗械如丘嚴莊挾安慶緒棄東京北度河回紇大掠東都  
三日姦人導之府庫窮殫唐平王欲止不可而老且以緡錦萬匹賂回紇止  
不剽掠護還京師帝遣群臣勞之長樂帝坐前殿召葉護升階席首領於下  
宴且勞之人人賜錦繡繒罽葉護頓首言留兵沙苑日歸料馬以收汜陽訖  
除殘盜帝曰為朕竭義勇成大事卿等力也詔進司空爵忠義王歲給絹二  
萬匹使至朔方軍受賜乾元元年回紇使者多彥阿波與黑衣大食酋閣之  
等俱朝爭長有司使異門並進又使請昏許之帝以幼女寧國公主下嫁即



冊歷延娶為英武威遠毗伽可汗詔漢中郡三瑀攝御史大夫為冊命使以  
宗子立司郎中巽兼御史中丞為禮會使并以副瑀尚書右僕射兼是道諸  
境帝錢公主因幸咸陽數尉勉主泣曰國方多事死不恨瑀至虜而可汗胡  
帽赭袍坐帳中儀衛光嚴引瑀立帳外問曰王天可汗何屬瑀曰從昆弟也  
時中人雷靈後立瑀上又問立王上者為誰瑀曰中人也可汗曰中人奴爾  
顧立即上乎靈後趨下於是引瑀入瑀不拜可汗曰見國君禮無不拜瑀曰  
天子顧可汗有功以愛女結好比中國與夷狄婚皆宗室子今寧國乃帝王  
女有德容萬里來降可汗天子婿當以禮見安踞受詔邪可汗慙乃起奉詔  
拜受冊翌日尊主為可敦瑀所齎賜物可汗盡與其牙下酋領瑀還獻馬五  
百匹貂裘白氈等乃使王子骨斫特勒宰相帝德等率騎三千助討賊帝因  
命僕固懷恩物之又遣大首領蓋將軍與三女子謝婚并告破堅昆功明年  
骨斫與九節度戰相州王師潰帝德等奉景師帝厚賜尉其意乃還俄而可  
汗死國人欲以公主殉主曰中國人婿死朝夕臨喪期三年此終禮也回紇  
萬里結昏本慕中國吾不可以殉乃止然務面哭亦從其俗云後以無子得  
還始華護太子前得罪死故次子移地健立號牟羽可汗其妻僕固懷恩女  
也始可汗為少子請昏帝以妻之至是為可敦明年使大臣俱錄莫賀達干

等入朝并問公主起居使人通謁於延英殿代宗即位以史朝義未滅度  
中人對清潭往結好且發其兵比使者至回紇已為朝義所誅曰唐荐有喪國  
無主且亂請回紇入收府庫其富不貲可汗即引兵南竄應元年八月也清  
潭發詔至其帳可汗曰人言唐已亡安得有使邪清潭為言先帝雖棄天下  
廣王主已即天子位其仁聖英武類先帝故與葉護收二京破安慶緒者是  
與可汗素厚且唐歲給回紇繒綃豈忘之邪是時回紇已踰三城見州縣榛  
萊烽障無守有輕唐色乃遣使北收單于府兵倉庫數以語凌斯清潭清潭  
密白帝回紇兵十萬向塞朝廷震驚遣殿中監樂子昂迎勞且視軍過于大  
原密識其兵裁四千孺弱萬餘馬四萬與可敦偕來帝令懷恩與回紇會因  
遣使上書請助天子討賊回紇欲入蒲關徑沙苑而東子昂說曰自寇亂來  
州縣殘虛儲億無所資且賊在東京若入井陘以取邢洛衛懷收財帑  
乃鼓而南上策也不聽子昂曰然則趨懷太行道南據河陽扼賊喉衿又不  
聽曰食太原會粟石次陝與澤潞河南懷鄭立公回紇從之詔以雍王為天  
下兵馬元帥進子昂兼御史中丞與右羽林衛將軍魏瓘為左右廂兵馬使  
中書舍人韋少華為元帥判官御史中丞李進為行軍司馬東會回紇救元  
帥為諸軍先鋒與諸節度會陝州時可汗壁陝州北王往見之可汗責王不



蹈舞子昂諱曰王嫡皇孫二官在殯禮不可以蹈舞子昂固拒即言元帥唐太子也特以  
天子弟於王叔父行也容有不蹈舞子昂固拒即言元帥唐太子也特以  
中國而可蹈舞見可汗哉回紇君臣度不能屈即引子昂進少華瑠撈之百  
少華瑠一夕死王還營官軍以王見辱將合誅回紇王以賊未滅止之於是  
懷恩與虜左殺為先驅朝義使及問左殺執以獻與諸將同擊賊賊插水走  
之進收東都可汗使拔賀那賀天子獻朝義旗物雍王還靈寶可汗屯河  
陽留三月屯旁人困於剽辱僕固瑒率回紇兵與朝義擊賊陣血二千里梟  
其首河北悉平懷恩道相州西山崦口還屯可汗出澤潞與懷恩會道太原  
去初回紇至東京放兵殺剽人皆遁保聖善白馬二祠浮屠居避之回紇怒火  
浮屠殺萬餘人及是益橫詬折官吏至以兵夜斫含光門入鴻臚寺方其時  
陝州節度使郭英又留守東都與魚朝恩及朔方軍驕肆因回紇為暴亦掠  
汝鄭間細不完虜僭帝為裳虐于賊矣帝念少華等死故贈少華左散騎  
常侍瑠楊州大都督賜一子六品官於是冊可汗曰頡咄咄登里骨啜密施合  
但錄英義建功毗伽可汗可敦曰娑墨光親麗華毗伽可敦以左散騎常侍  
王朔使即其牙命之自可汗至宰相共賜寶封二萬戶又以左殺為雄朔王  
右殺寧朔王胡祿都督金河王拔覽將軍靜漠王十都督皆國公永泰初懷

恩反誘回紇止蕃之寇俄而懷恩死二虜爭長回紇首領潛詣澤陽見郭三  
儀請改事于儀率麾下叩回紇營回紇曰願見令公子儀出旗門回紇曰請  
釋甲子儀易服酋長相顧曰真是公矣時李光進路嗣恭介馬在側子儀示  
酋長曰此渭北節度使其朔方軍糧使其酋長下馬拜子儀亦下見之虜  
百環視子儀麾下亦至子儀麾左右使却且命酒與飲遺以纏頭絲三千匹  
可汗弟合胡祿等持手因讓曰上念回紇功報爾固厚何負而來今卿以  
戰何遽降也我將獨入爾營雖殺我吾將士能擊汝酋長龍言服曰懷恩  
我曰唐天子南走公見廢是以來今天可汗在公無恙吾等願還歸唐以  
報厚恩然懷恩子可敦弟也願赦死於是子儀持酒胡祿請盟而飲子儀曰  
唐天子萬歲回紇可汗亦萬歲二國將相如之有如負約身死行陣家屬戮  
方時虜宰相蘇頌賀達于頓等聞言皆奪氣酒至其所輒曰無易公誓始  
虜有二巫言此行必不戰當見大人而還及是相顧笑曰巫不吾給也朔方先  
鋒兵馬使白元光合回紇兵於靈武會靈嚴晦吐蕃閉營撤備乃縱擊之  
斬首五萬級生禽萬人獲馬橐它牛羊收所俘唐戶五千僕固名臣降令胡  
祿都督等二百人皆來朝賜與不可計子儀以名臣見名臣懷恩兄弟斃將  
也大曆三年光親可敦卒帝遣右散騎常侍蕭昕持節弔祠明年以懷恩幼



女為崇徽公主繼室兵部侍郎李涵持節冊拜可敦賜繒絲二萬是時吐州  
屈稅公卿羸橐它給行宰相餞半渭橋回紇之留京師者曹輩掠其財  
引驕犯舍光門皇城皆闔詔劉清潭慰止復出暴市物奪長安令邵說馬有  
司不敢何詰自乾元後益負功每納一馬取直四十縑歲以數萬求售使者  
相躡留舍鴻臚駘弱不可用帝厚賜欲以愧之不知也復以萬馬來帝不忍  
重煩民為償六千十年回紇殺人橫道京兆尹黎幹補之詔貸勿劾又判人  
東市縛送萬年獄首領劫取囚殘獄吏去都人獸苦十三年回紇襲振武攻  
東陘入寇太原河東節度使鮑防與戰陽曲防敗績殘殺萬人代州都督張  
光晟又戰羊虎谷破之虜乃去德宗立使中人告喪且脩好時九姓胡勸可  
汗入寇可汗欲悉師向塞見使者不為禮宰相頓莫賀達千曰唐大國無負  
於我前曰入太原取羊馬數方比及國亡耗略盡今舉國遠鬪有不如捷將  
安歸可汗不聽頓莫賀達因擊殺之并屠其支黨及九姓胡幾二千人即自  
立為合骨咄祿毗伽可汗使長建達千從使者入朝建中元年詔京兆少尹  
源休持節冊頓莫賀達為武義成功可汗始回紇至中國常參以九姓胡往往  
留京師至千人居皆殖產其厚會同馬官書圖畫畫施大小梅錄等還國裝案  
係道留振武三月供擬珍豐費不貲使張光晟陰伺之皆盛女子以家光

晟使驛吏刺以長雖然後知之已而聞頓莫賀新立多殺九姓胡人懼不敢  
歸往往亡去突董察視嚴亟群胡獻計於光晟請悉斬回紇光晟許之即上  
言回紇非素疆助之者九胡爾今其國亂兵方相加而虜利則往財則令無  
財與利一亂不振不以此時乘之復歸人與幣是謂借賊兵資盜糧也乃使  
裨校陽不禮突董果怒鞭之光晟因勒兵盡殺回紇群胡收橐它馬數千緡  
錦十萬且告曰回紇挾大將謀取振武謹先誅之部送女子還長安  
晟還以勸令方代之遣中人與回紇使聿達千往言其端因欲由肅州  
休後命太原明年乃行因歸突董等四喪突董可汗諸父也源休至可汗  
大臣具車馬出迎其大相頡干迦琚坐身休等殺突董事休言彼自由能光  
晟闖死非天子命又曰使者皆有死罪唐不自戮何假手于我邪長安能去  
休等幾死回紇五旬卒不見可汗可汗傳謂休曰國人皆欲爾死我獨不然突  
董等已亡今又殺爾猶以血濯血徒益汗吾以水濯血不亦善乎為我言有  
司所負馬直一百八十萬可速償我遣散支將軍康赤心等隨休來朝帝隱  
忍賜以金縷後三年使使者獻方物請和親帝黃龍未平謂宰相李泌曰  
和親待子孫圖之朕不能已泌曰陛下豈以陝州故憾乎帝曰然朕方天下  
多難未能報且毋議和泌曰臣等乃牟羽可汗也知陛下即位必償然



及謀先昔邊然立未出為今可汗所殺矣今可汗初立遣使來告垂髮不削  
待天子命而張光晟殺突董等雖幽止使人然卒完歸則為無罪矣帝曰卿  
言則然顧朕不可負少華等奈何必曰臣謂陛下不負少華少華負陛下且  
北虜君長身赴難陛下在潘春秋未壯而輕度河入其營所謂冒豺虎之場  
也為少華等計當先定會見臣猶危之奈何子然赴哉臣昔為先帝行軍  
司馬方葉護來先帝祇使宴於府及議征討則不見也葉護邀臣至營帝不  
許使好謂曰主當勞客客返勞主邪東收京師約曰土地人眾歸我王帛子  
女子回紇戰勝葉護欲大掠代宗下馬拜之回紇乃東向洛臣猶恨以元帥  
拜葉護於馬前為左右過然先帝曰王仁孝足辦朕事下詔慰勉葉護乃卒  
羽諸父也牟羽之來陛下以元子不拜於帳下而可汗不敢少有失於陛下  
則陛下未嘗屈矣先帝拜葉護全京城陛下乃不拜可汗固伸威於虜何恨  
焉然計香積陝州事以屈已為是乎伸威為是乎藉令少華等以陛下見可  
汗閉壁五日與陛下張飲天下豈不寒心哉而天助威神使豺狼馴服牟羽  
母捧陛下以貂裘叱左右促命騎躬送出營此少華等力負陛下也假令牟羽  
為有罪則今可汗已殺之立者乃牟羽從父兄是為有功渠可忘之邪且回  
紇可汗銘石立國門曰唐使來當使知我前後功云今請和必舉高南望陛

下不之甚且怨必深願聽臣約用開元故事如突厥可汗稱臣使來者不  
過二百市馬不過千不以唐人出塞亦無不可者帝曰善乃許降公主回紇  
亦請如約詔咸安公主下嫁又詔使者合闕達干見公主於麟德殿使中調  
者齊公主畫圖賜可汗明年可汗遣宰相跌跌都督等眾千餘并遣其妹骨  
咄祿毗伽公主率大酋之妻五十人逆主且納聘跌跌至振武為室韋所劫  
戰死有詔其下七百皆聽命朝奉鴻臚帝御延喜門見使者是時可汗上書  
恭其言皆為兄弟今婿半子也陛下若患西戎子請以兵除之又請勿回紇  
回回驕捷執鶴鶩然帝欲變回鶻公主問禮於李泌對曰肅宗於燉煌王為  
從臣死於馬妻以女見帝於靈原獨拜延下帝呼曰婦而不名嫂也當難虞  
時其用猶以臣之况今日乎於是引回鶻公主入銀臺門長公主三人  
候請內侍史傳道拜必恭摺與進帝御祕殿長公主先入侍回鶻公主入拜  
賜以內司寶尊至長公主所又譯史傳問乃與俱入至宴所賢苑降階俟回  
鶻公主拜其妃答拜又拜召已由西階升乃坐有賜則降拜非帝賜則避席  
拜妃公主曰其拜訖歸凡再鄉帝帝垂建咸安公主官屬視王府以嗣滕王  
湛然為內司使使僕射關播護送且將冊書拜可汗為回吐祿長壽天親毗  
伽可汗公主為智慧端正長壽孝順可敦貞元五年可汗死子多羅斯立國



人號泮官特勤以鴻臚卿郭鋒持節冊拜愛登里羅泊沒密施俱隸毗伽心  
貞可汗勿安西北廷自天寶末失關隴朝貢道隔伊西北廷節度使李元忠  
四鎮節度使留後郭昕數遣使奉表皆不至貞元二年元忠等所遣假道回鶻  
乃得至長安帝進元忠為北廷大都護昕為安西大都護自是道雖通而虜  
求取無埃沙陀別部六千帳與北廷相依亦厭虜衰去至三葛祿白眼突厥  
素臣回鶻者尤怨苦皆密附吐蕃故吐蕃因沙陀基寇北廷頡干迦斯與戰  
不勝北廷陷於是都護楊龍吉引兵奔西州回鶻以壯卒數萬召龍吉將  
還取北廷為吐蕃所擊大敗士死大半迦斯奔還龍吉勸其眾將入西州迦  
斯始曰弟與我俱歸當使公還重龍吉至帳殺之葛祿又取深圖川回鶻大  
恐稍南其部落以避之是歲可汗為少可敦葉公主所毒死可敦亦僕固懷  
恩之孫懷恩子為回鶻葉護故女號葉公主云可汗之弟乃自立迦斯方攻  
吐蕃其大臣率國人共殺葉護以可汗幼子阿啜嗣迦斯還可汗等出勞吐  
俯伏言廢立狀惟大相生死之悉發郭鋒所賜器幣餉迦斯可汗拜且泣  
曰今幸得繼絕仰念於父也迦斯以其柔屈乃相持哭遂臣事之以器幣悉  
給將士無所私其國遂安遣達比特勒梅錄將軍來告且聽命詔鴻臚少卿  
庾鈺冊阿啜為奉誠可汗俄以律支達干來告少寧國公王之喪王榮王女

也始寧國下嫁又以勝之寧國後歸因留回鶻中為可敦號少寧國歷配英  
武英義二可汗至天親可汗時始居外其配英義生二子皆為大親所殺是  
歲回鶻擊吐蕃葛祿於北廷勝之且獻俘明年使龜茲葛日來朝是年唐入  
白氏為可汗養子遂從可汗姓帝以其用事賜資殊優拜檢校尚書右僕射  
十一年可汗死無子國人立其相骨咄祿為可汗以使者來詔徵書曰張萬  
持節冊拜愛勝里羅羽錄沒密施合胡祿毗伽懷信可汗骨咄祿本跋跌氏  
少孤為大首領所養辯敏材武當天親時數出兵諸酋尊畏至是以樂羅葛  
氏世有功不敢自名其族而盡取可汗子孫內之朝廷永貞元年可汗死詔  
鴻臚少卿孫泉臨弔冊所嗣為勝里野合俱錄毗伽可汗元和初再朝獻始  
以摩尼至其法日見安食飲水如軍屏潼酪可汗常與其國者也摩尼至京師  
歲往來西市商賈頗與囊橐為姦三年來告咸安公主喪主歷四可汗居  
回鶻是二十歲無幾可汗亦死憲宗使宗正少卿李孝誠冊拜愛登里羅泊  
蜜施合毗伽保義可汗闕三歲使者再朝遣伊難珠再請昏未報可汗以三  
千騎至回鶻其於具振武以兵屯黑山治大德城備虜禮部尚書李絳奏言  
回鶻盛強疆北邊空虛一為風塵則弱卒非抗敵之夫孤城為不守之地儻陛  
下懷此增甲兵飭城壘中夏長策生人大幸也日觀今日處置未得其要夫



邊憂有五請歷言之北狄貪沒唯利是視比進馬規直再歲不至豈厭繒帛  
利哉殆欲風高馬肥而肆侵軼故外攘內備必煩朝廷一可憂兵力未完片  
候未明戈甲未備城池未固飾天德則虜必疑虛西城則磧道無倚二可憂  
夫城保要害攻守險易當謀之邊將今乃規河塞之外裁廟堂之上虜猝犯  
塞應接失便三可憂自脩好以來山川形勝兵戎滿虛虜皆悉之賊掠諸州  
調發在旬朔外其後屢入畜在旦夕內比王師至則虜已歸寇能久留役亦  
轉廣而可憂北狄西戎素相攻討故邊無虞今向鶻不市馬若與吐蕃結約  
解仇則將臣閉壁憚戰邊人拱手受禍五可憂又淮西吳少陽垂死可乘其  
變諸道與發後且十倍臣謂宜聽其婚使守蕃禮所謂三利也和親則烽燧  
不驚城堙可治盛兵以畜力積粟以固軍一也既無北顧憂可南事淮右申  
令於垂盡之寇二也北虜恃我威則西戎怨愈深內不得寧國家坐受其安  
寇掠三也今捨三利取五憂甚非計或曰降虜多臣謂不然我二分  
天下賦以一事邊今東南大縣賦歲二十萬緡以一縣賦為婚費非損實得  
大乎今惜婚費不與假如王師北征兵非三萬騎五千不能扞且馳也又如保  
十全之勝一歲輒罷其饋餉供擬豈止一縣賦哉帝不聽

列傳第一百四十二上

回鶻列傳第一百四十二下

唐書二日一十七下

宋祁奉 敕撰

回鶻之請昏有司度費當五百萬帝方內討疆節度故遣宗正少卿李誠太  
常博士尹備往諭不可穆宗立回鶻又使合達干等來固求昏許之俄而可  
汗死使者臨冊所嗣為登羅羽錄沒蜜施句主毗伽崇德可汗可汗已立遣  
伊難珠句錄都督思結等以葉護公主來逆女部渠二千人納馬二萬皆  
千四夷之使中國其眾未嘗多此詔許五百人至長安餘留太原詔以太和  
公主下降主憲宗女也帝為王建府以左金吾衛大將軍胡証光祿卿李憲  
持節護送太府卿李說為昏禮使冊拜主為仁孝端麗明智上壽可敦告于  
廟天子御通化門饒主群臣班辭于道公主出塞距回鶻牙百里可汗欲先  
與主由間道私見胡証不可虜人曰昔咸安公主行之証曰天子詔我送公  
主授可汗今未見不可先也乃止於是可汗升樓坐東向下設毳幔以居公  
主請襲胡衣以一姆侍出西向拜已退即次被可敦服絳通裾大襦冠金冠  
前後銕復出拜已乃升曲輿九相分負右旋于廷者九降輿升樓與可汗聯  
坐東向群臣以次謁可敦亦白建牙以二相出入帳中証等歸可敦大宴悲  
啼眷慕可汗厚贈使者是時裴度方伐幽鎮回鶻使渠將李義節以兵三千



佐天子平河北議者懲艾前患不聽兵已及豐州使者厚賜乃去訪宗即位  
之年可汗死其弟曷薩特勒立遣使者冊為愛登里羅汨沒蜜施合毗伽昭  
禮可汗賜幣十二車文宗初又賜馬直絹五十萬大和六年可汗為其下所  
殺從子胡特勒立使者來告明年遣左驍衛將軍唐弘實與嗣澤王洛持節  
冊為愛登里羅汨沒蜜施合毗伽昭禮可汗開成四年其相掘羅勿作  
難引沙陀共攻可汗可汗自殺國人立盧駮特勒為可汗方歲飢遂疫又大  
雪羊馬多死未及命武宗即位以嗣澤王洛臨告乃知其國亂俄而渠長句  
錄真賀與黠戛斯合騎十萬攻回鶻城殺可汗誅掘羅勿焚其牙諸部潰其  
相駮戰與尾特勒十五部奔高羅祿殘衆入吐蕃安西於是可汗牙部十三  
姓奉烏介特勒為可汗南保錯子山黠戛斯已破回鶻得大和公主又自以  
李陵後與唐同宗故遣使者達干奉主來歸烏介怒遣擊達干殺之劫士南  
度磧邊人大恐進攻天德城振武節度使劉沔屯雲伽閼拒卻之宰相李德  
裕建言回鶻曩有功今飢且亂可汗無歸不可擊宜遣使者贍安之帝用兵  
部郎中李拭行邊刺狀於是其相赤心與王子盟沒斯特勒那頡斡將其部  
欲自歸而公主亦遣使者來言烏介已立因請命又大巨頡干伽思等表假  
振武居公主可汗帝乃詔右金吾衛大將軍王會持節慰撫其衆輸糧二

萬斛不許借振武令中人好語開諭又詔使者持冊往誘稽其行須臾明年  
回鶻奉主至漠南入雲朔擄水殺掠其衆轉側天德振武間盜畜牧自外  
乃召諸道兵合討盟沒斯以赤心斡架難得要領即密約天德成將田牟訪  
赤心斬帳下那頡斡收赤心衆七千帳東走振武大同因室韋黑山南關幽  
州節度使張仲武破之悉得其衆那頡斡走烏介執而殺之然烏介兵尚強  
號十萬駐牙大同北間門山而特勒庵俱廉阿敦寧等凡四部及將軍曹磨  
你衆三萬因仲武降盟沒斯亦附使者送款帝欲使助可汗復國而可汗已  
攻雲州劉沔與戰敗績盟沒斯率二部及特勒大酋二千騎詣振武降詔拜  
盟沒斯為右金吾衛大將軍爵懷化郡王以天德為歸義軍即拜歸義軍使  
阿歷支命使部公習勿斡昌化郡公烏羅由寧朔郡公並為冠軍大將軍左  
威衛大將軍愛示勿斡寒那公為右領軍大將軍加賜盟沒斯牙旗豹尾刀  
盟諸物給其屬冠帶詔宰相德裕奉秦漢以來興殊俗忠效卓異者凡三十  
人為異域歸忠傳龍賜之盟沒斯請留族太原率昆弟為天子扞邊帝命劉  
沔為列舍人朔間處其家可汗遣使者藉兵欲還故廷且假天德城帝不許  
可汗志進略大同川轉戰攻雲州刺史嬰壁不敢出詔益發諸鎮兵屯太原  
北盟沒斯等既朝皆賜李氏名盟沒斯曰思忠阿歷支曰思貞習勿斡曰



思義烏羅思曰忠禮愛邪勿曰弘順即拜歸義軍副使於是詔劉沔為回鶻  
南面招撫使張仲武東面招撫使思忠為西党項都將西南面招討使沔  
鴈門又詔銀州刺史何清朝蔚州刺史勢交通以番渾兵出振武與沔仲武  
合稍還回鶻思忠數深入諭降其下沔分沙陀兵益思忠河中軍以騎五百  
益弘順沔進次雲州思忠屯保大柵率河中陳許兵與回鶻戰敗之明年又  
為弘順所破沔與天德行營副使石雄勣騎及沙陀契苾等雜虜夜出雲  
州走馬邑抵安衆塞逢虜與戰破之烏介方薄振武雄馳入夜穴壘出塵金兵  
烏介驚引去雄追北至殺胡山烏介被創走雄遇公主奉主還降特勒以下  
衆數萬盡收輜帑及所賜詔書可汗收所餘往依黑車子詔弘順清朝窮躡  
弘順厚啗黑車子以利募殺烏介初從可汗亡者既不能軍往往詣幽州降  
留者皆飢寒痕夷裁數千黑車子幸其殘即殺烏介其下又奉其弟遏捻特  
勒為可汗帝詔德裕紀功銘石于幽州以夸後世思忠等以國亡皆願入朝  
見聽遂罷歸義軍擢思忠左監門衛上將軍兼撫王傳兩稟其奉賜第永樂  
坊分其兵賜諸節度虜人博隸食諸道據濶沱河叛劉沔阮殺三千人詔回  
鶻營功德使在二京者悉冠帶之有司收摩尼書若象燒于道產貨入之官  
遏捻可汗哀殘部五千仰食於奚大酋碩舍郎大中初仲武討奚破之回鶻

滅所存名王貴臣五百餘轉依室韋仲武輸金羈致可汗等過捨懼  
再發的謀王特勒壽斯馳九騎夜委衆西走部人皆慟哭室韋七姓析四鵠  
之野斯成斯姑與其相阿播將兵七方擊室韋求收回鶻還積北遺帳伏休林間  
俾送諸蕃自給稍歸鹿特勒是時特勒已自稱可汗居甘州有積西諸城宜宗  
務緩柔荒遠遣使者抵靈州省其酋長回鶻因遣人隨使者來京師帝即冊拜  
嗚祿登里邏汨沒靈施合俱錄毗伽懷建可汗後十餘年一再獻方物獻宗時大  
酋僕固俊自北廷擊吐蕃斷論尚執天取西州輪臺等城使達干米懷玉朝  
且獻俘因請命詔可其後王室亂貢會不常史亡其傳昭宗幸鳳翔靈州節  
度使韓遜表回鶻請率兵赴難翰林學士韓偓曰虜為國仇舊矣自會昌時伺  
邊羽獲其天武不得送人棄我危以置幸不可開也遂格不報然其國卒不振時時  
以玉馬與邊州相市云

薛延陀者先与薛種雜居後滅延陀部有之號薛延陀姓一利啞氏在鐵勒諸部  
最雄張風俗大抵与突厥同西突厥處羅可汗之殺鐵勒諸酋也其下往往相  
率叛去推契苾哥楞為易勿莫賀奇汗據貪汗山奉薛延陀乙失鉢為野啞可  
汗保燕末山而突厥射匱可汗復疆一部黜可汗號往臣之回紇拔野古阿跌同  
羅僕骨白雪在鬱督軍山者東附始畢可汗乙失鉢在金山者西役葉護可汗



貞觀二年葉護死其國亂乙失鉢孫曰夷男率部帳七万附頡利可汗後突厥  
夷男反攻頡利弱之於是諸姓多叛頡利歸之者共推為主夷男不敢當明年  
太宗方圖頡利遣游擊將軍喬師望僑路齎詔書鼓肅冊拜夷男為真珠毗  
伽可汗夷男已受命遣使謝歸方物乃樹牙鬱督軍山真示師西北六千里東  
靺鞨西葉護突厥南沙磧北俱倫水地大衆附於是回紇等諸部莫不伏屬其弟  
統特勒入朝帝以精刀寶鞭賜之曰下有大過者以吾鞭鞭之夷男以為寵  
頡利可汗之滅塞隊空葉夷男率其部稍東保都尉捷山獨邏水之陰遠京  
師纔三千里而羸東室韋西金山南突厥北瀚海蓋苦匈奴地也勝兵二十万以二  
子大度設突利失分將之號南北部七年間使者八朝帝恐後疆大為患欲產其  
禍乃下詔拜其二子皆為小可汗十五年帝以李思摩為可汗始度河牙於漠  
南夷男惡之未發方帝幸洛陽將遂封泰山夷男与其下謀曰天子封泰山  
万国皆助兵奚會行在邊障亦置思摩可取也乃使大度設勒兵二十万南  
絕漠壁白道川率一兵得四馬輶車摩思摩走朔州言狀且請師於是詔營  
州都督張儉統所部与奚會契丹乘其東朔州道行軍總管李勣衆六万騎  
三千營朔州靈州道行軍總管李大亮衆四万騎五千屯靈武慶州道行軍總  
管張士貴衆万七千出靈州道行軍總管李襲譽經略之帝敕諸將曰

延陀度漠馬已疲大用兵者見利疾進不利取去今虜不急擊思摩又不速  
還勢必敗卿等勿与戰須其歸可擊也既而延陀使者來求与突厥平帝曰  
我約漠以北延陀制之漠以南突厥專之有輒相掠誅不赦延陀父事我而  
首違詔得非乱邪而曰與突厥和乃故約也尚何請不報大度設次長城思  
摩已南走大度設度不可得乃遣人乘長城罵之適會勣兵至行墟屬天  
率衆走赤柯度青山然道回遠勣選敢死士與突騎徑臘河趣白道及大度  
設尾之不置大度設顧不脫度諾真水陣以待先是延陀擊沙鉢羅及  
那社余皆以徒戰勝至是却騎不用率五人為伍一執馬四前鬪令曰  
騎而逐者者死没其家以償戰士及戰突厥兵逐延陀騰逐勣救之延陀  
射馬輶死勣乃以步士百人為隊擣其罽虜潰部將薛方徹率勣騎先執  
馬者故延陀不能去斬首数千級獲馬万五千大度設亡去方徹追弗及  
卒奔漠北會雪其衆斃陪死者十八始延陀能以術禳神致雪異困勣師乃  
是反自敝云勣還入定襄天子遣使者齎書勞問賞功血死延陀之使留  
待命者帝悉還之曰歸語爾可汗爾自負其疆以突厥為弱厚誅斂之又  
首領以為質且我為天下主渠嘗賦發於爾邪後有利害當謹思毋遽也延  
陀乃遣使謝罪又遣其仲父沙鉢羅獻馬三千因請昏帝曰延陀本一俟斤



我則立之度其力孰與頡利比而敢撓邊乎不許昏明年以使來益獻馬牛  
羊橐它固未昏帝與大臣計曰延陀屈疆朕策顧有二選士十萬擊之使  
遺種百年計也絕昏羈縻使無邊憂三十年計也然則孰利房玄齡曰今大  
亂餘氓瘼破未完戰雖勝猶危道也不如和親帝曰善許以新興公主下嫁  
召突利失大享群臣侍陳寶器異恩善破陳盛樂及十部伎突利失頓首  
上千万歲壽詔夷男親迎帝封靈州以成昏事夷男大喜詔曰我鐵勒部  
人耳上以我為可汗公主以女我乘輿為我幸邊誰與我榮乃搜賦諸下羊  
馬為貨或說夷男曰可汗與唐比一國主奈何往朝有如見執尚可悔夷男  
曰不然吾聞唐天子有德四方共巨之藉獨留我積北亦須有主然捨我而  
求它非計也下乃不敢言時帝詔有司受所獻延陀无府庫調斂於下不亟  
集又度積水草乏馬羊多死納貢後期帝亦止行畜口耗死僅半議者謂夷  
狄嘗為中國私公礼不具而與昏恐後有輕中國心乃下詔絕昏謝其使或  
曰既許之信不可失帝曰公等計非也昔漢匈奴疆中國不抗故飾子女嫁  
單于今此狄弱我能制之而延陀方謹事我者顧新立倚我以服眾彼同羅  
僕骨力足制延陀而不發懼我也我又妻之固中國婚名重而援堅諸部將  
歸之戎狄野心能自立則叛矣今絕昏使諸姓聞之將爭擊延陀亡可待也

李唐摩果侵掠之延陀遣突利失寇定襄詔李勣逐出塞俄遣使請率師助  
代高麗以刺帝意帝引使者謂曰歸語尔可汗我父子東征能寇邊者可即  
來夷男沮縮不敢謀以使謝固請助軍帝嘉高麗莫離支金鞬鞞以虎利  
陷夷男欲與連和夷男氣素索不發亦會病死帝為祭于行始延陀請以庶  
子曳莽為突利失可汗統東方嫡子拔灼為肆葉護可汗統西方白道之役  
曳莽實為之謀國人多怨及會葬曳莽部拔灼分兵襲殺之自立為  
利俱利失薛沙多弥可汗方是時王師猶在遼因即寇邊帝遣江夏王道宗  
屯朔州代州都督薛万徹與左驍衛大將軍阿史那社尒屯勝州左武侯大  
將軍薩孤吳仁屯靈州執失思力與突厥擗用塞下虜知有備乃去拔灼性  
下克多殺父時貴臣而任所親託國人不安而阿波設與唐使者遇於鞬鞞  
東鄙小戰不利還佈因曰唐兵至矣眾大擾諸部遂潰多弥可汗以十餘  
騎遁去依阿史那時健俄為回紇所殺盡屠其宗眾五六萬奔西域立真珠  
毗伽可汗昆弟子弟咄摩支號伊特勿失可汗遣使者上言願保懋恩車山帝  
詔兵部尚書崔敦礼與李勣尉安之俾其因鐵勒諸部素伏延陀而咄摩  
支雖衰子尚巨畏之帝恐卒為患詔勣等由降則撫之叛則擊之勣至咄摩  
支大駭陰欲拒戰外好言乞降勣知之縱兵擊斬五千餘級係老孺三萬



滅其國... 天子使者蕭嗣業在回紇身詣嗣業... 將車賜... 宅初延陀將威有... 不覺各已食妻語部人共追之... 滅追者懼却走遂失之至是果敗此... 遣道宗率阿史那社... 皆歸命天子請吏內屬道宗等徑... 北二百里萬徹抵北道諭降回紇... 言天至尊為可汗世世以奴事死... 來朝者帝勞曰爾來若鼠得穴魚... 有不安安之不樂樂之如驥尾... 三日醜後三年餘部叛以右領軍... 部二散者悉還高宗為置... 拔野占一日拔野固或為拔曳固... 帳戶六萬丘萬人地有薦草產良... 輒化為石色倉緹然節理猶在世... 鹿冰上風俗大抵鐵勒也言語少... 至與僕骨同羅突雷同入朝

二十一年大俟利發屈利失舉部內屬置幽陵都督府拜屈利失右武衛大將軍即為... 斬其渠首至天寶間能自來朝... 僕骨亦曰僕固在多覽葛之東帳戶三萬丘萬人地最北俗梗駑難... 臣突厥後附薛延陀延陀滅其酋婆... 金微北拜歌濫拔延為右武衛大將軍州都督開元初為首領僕固所殺... 朔方降有司誅之子曰懷因至德時以功至朔方節度使自有傳... 同羅在薛延陀北多覽葛之東距京師七千里而贏勝兵三萬貞觀二年... 使者入朝久之請內屬置龜林都督府拜西侯利發時漢發為左領軍大... 軍即授都督安祿山反劫其兵用之號曳落河者也曳落河猶言健兒云... 渾在諸部最南者突厥南利發時有侯利發阿貪支款塞薛延陀之滅大... 利發渾法舉部內向其地為龜蘭都督府後分東西州太宗以阿貪支於... 汪... 遣譯者諷汪汪欣然避位帝加其讓以阿貪支為右領軍衛大... 皇蘭州刺史汪雲摩將軍兼侯利發為之副阿貪支死子回貴嗣回貴死子... 大壽嗣大壽死子釋之嗣釋之鷲勇不九從哥舒翰拔石堡城遷右武衛大... 將軍封汝南郡公李元弼保河陽釋之以朔方都知兵馬使為裨... 王知

... 王知



方節度留後僕固懷恩之走聲為歸鎮釋之曰是必眾潰將拒之其甥張韶  
曰彼如悔禍還鎮渠可不納釋之信之乃納懷恩懷恩已入使節殺釋之收  
其軍已而惡韶罵曰若負舅肯忠於我折其脛囚死弼義城釋之之城  
功臣也自有傳

契苾可汗弟莫賀咄特勤亦有勇莫賀咄死子何力尚紐率其部來歸時貞  
觀六年也詔處之甘涼間以其地為榆溪州永徽四年以其部為莫闡都督  
府隸燕然都護何力有戰功忠節臣也大和中其種帳附於振武云

多覽葛亦曰多濫在薛延陀東濱同羅水勝兵萬人延陀已滅其酋侯斤多  
濫葛末與回紇皆朝以其地為燕然都督府授右衛大將軍即為府都督死  
以多濫葛塞匐為大俟利發繼為都督

阿跌亦曰訶陁或為跋跋始與拔野古等皆朝以其地為雞田州開元中跋  
跌思恭自突厥默啜所來降其後光進光顏皆以戰功至大官賜李氏附屬  
籍自有傳

葛邏祿本突厥諸族在北廷西北金山之西跨僕固振水包多担嶺與車鼻  
部接有三族一謀落或為謀刺二熾俟或為濩匐三吐質力亦微初葛邏祿

車鼻可汗三族皆為突厥所破唐貞觀二年以謀落部為陰山都督府熾俟部為大  
都督府吐質力部為玄池都督府即用其酋長為都督後分熾俟部置  
三族當東西突厥間常視其興衰附叛不常也後稍南徙自號三姓  
諸兵置甘於闐延州以西諸突厥皆畏之開元初再來朝天寶時與回紇  
乘密共攻殺烏蘇米施可汗又與回紇擊拔悉密去其可汗阿史那施於  
廷奔京師葛祿與九姓復立回紇葉護所謂懷仁可汗者也於是葛祿之  
烏德健山者呂固紇在金山北廷者自立葉護歲來朝久之葉護領回紇  
突厥叛酋阿布思進封金山郡王天寶間凡五朝至德後葛邏祿  
統勇猛徙十姓可汗故地盡有碎葉怛羅斯諸城然限回紇故朝會不能自  
達于朝

拔悉密自觀二十二年始來朝天寶初與回紇葉護擊殺突厥可汗立拔悉  
密為西面都督那施為賀臘毗伽可汗遣使者入謝玄宗賜紫文袍金帶帶  
金帶亦曰看波其地北瀕小海西暨自北南回紇分三部皆自統制其俗無  
歲時結草為廬無畜牧不知稼穡土多百食草採其根以飯捕魚鳥獸食之  
衣貂鹿皮貧者緝鳥羽為服其富者納馬為負者效鹿皮草根死以木



歛置山中或系于樹送葬哭泣與突厥同無刑罰以著倍輸其賦身觀二十一年因骨利幹入朝亦以使通中國

骨利幹處瀚海北勝兵五千草多百合產良馬首似橐它筋體壯大口中地數百里其地北距海去京師最遠又北度海則晝長夜短日入身羊腓熟東方已明蓋近日出處也既入朝詔遣使摩將軍康蘇密勞谷以其地為

關州其大酋侯斤因使者獻馬帝取其異者號十驥皆為美名曰騰霜白曰皎雪驄曰凝露驄曰縣光驄曰決波驄曰飛霞驄曰發電赤曰流金驄曰翔麟紫白奔虹赤厚禮其使龍朔中以玄關州更為余三吉州隸瀚海都督府延載初亦來朝

白雪居鮮卑故地直京師東北五千里與同羅僕骨連譯延陀保奧支水冷陁山南契丹北烏羅渾東靺鞨西接野古也圓表二千里山嶺其外勝兵

萬人業射獵以赤皮緣衣婦貫銅釧以子鈐綴襟其部有三曰居延曰無若沒曰潢水其君長巨突厥頡利可汗為侯斤貞觀中再來朝後列其地為真

顏州以別部為居延州即用侯斤為刺史顯慶五年授酋長李含珠為居延都督含珠死弟厥都繼之後無聞焉  
斛薛處多隘為北勝兵萬人奚結處同羅北思結在延陀故牙一部合斤

二萬既來朝列其地州縣之太宗時北狄能自通者又有烏羅渾或曰烏洛

突口烏羅護直京師東北六千里而羸東靺鞨西突厥南契丹北烏九大北

風俗皆靺鞨也烏九或曰古九又有鞠或曰祗居拔野古東北有木茂草地

多若五羊馬人秦鹿若牛馬惟食苔俗以駕車又以鹿皮為衣聚木為屋尊

卑共居又有俞折者地差天俗與拔野古相埒少羊馬多貂鼠又有駝馬者

或曰敝刺曰過羅支直突厥之北距京師萬四千里隨水草然其地勝兵

三萬地常積雪木不彫以馬耕田馬色皆駁因以名國六北極於海雖畜馬而不乘其漚酪以食好與結骨戰人貌多似結骨而語不相通皆割髮種皮帽構木頂之皆帶骨為室各有小君長不能相臣也大漢者處鞠之北饒于馬人勿加人皆以白名與鞠俱隣於黠戛斯劍海之頗此皆古所未賓者富

自觀遠來徵本國山川或一再至  
點焉斯安以昆出地當伊吾之西焉著北白山之旁或曰居勿曰結骨其種類不一乃匈奴也匈奴封漢降將李陵為右賢王衛律為丁零王後

後世得其地者說為結骨種號結骨亦曰結拉斯克眾數十方勝兵六萬直回紇西北二千里南依食漫山地夏阻如冬積雪人皆長大赤髮指面綠睛



以黑髮為不從黑瞳者必曰陵南裔也男女多以環貫耳俗矯仇力于有  
勇野性子女已嫁黠項雜居多淫佚謂歲首為戎師哀以三哀為一時以十  
二物紀年如歲在寅則曰虎年氣多寒雖大河亦半冰稼有禾粟大小麥青  
裸步磴以為麩糜糝以三月種九月穫以飲以釀酒而无果蔬畜馬至壯大  
以善鬪者為頭馬有橐它牛羊牛為多富農至數千其獸有野馬骨咄苗羊  
羴羴鹿黑尾黑尾者以鹿羴尾大而黑魚有莖者長七八尺莫痕者无骨口出  
頤下為鴈鷺鳥鵠雁雉木松樺榆柳蒲松高者仰射不能及顛而樺尤多有  
金鐵錫每兩俗必得鐵號迦以兵絕軍利常以輸突厥其戰有弓矢旌幟  
其騎士折木為盾蔽股足又以圓盾傳有可捍矢刃其君曰阿熱遂姓阿熱  
氏建一羣下皆尚赤餘以部落為之號服貴貂豹阿熱之帽貂裘帽金釧銳  
頂而卷末諸下皆帽白德喜佩刀礪賤者衣皮不帽文衣毛毳毼錦蜀綾蓋安  
西北廷大食所貨售也阿熱駐牙青山周柵代坦聯擅為帳號密的支它自  
領居小帳凡調兵部役屬者悉行內貂鼠青鼠為號其官宰相都督職使長  
史將軍達干六等宰相七都督二職使十皆典兵長史十五將軍達干无  
諸部食肉及馬酪惟阿熱設餅餌樂有笛鼓笙咸樂盤鈴戲有弄駝師子  
馬伎繩伎祠神惟水草祭无羽乎亦為之客嫁納羊馬以聘富者或百

計喪不務而三環刀與刀火之收其骨歲而乃墓然後哭泣有節冬處室木  
皮為覆其文字言語與回鶻正同法最嚴臨陣燒奉使不稱妄議國若盜者  
皆斷首子為盜以首着父頸非死不脫阿熱牙至回鶻牙所橐它四十日行  
使者道出天德右二百里許抵西受降城北三百里許至鵠鶻泉泉西北至  
回鶻牙千五百里許而有東西二道泉之北東道也回鶻牙北六百里得仙  
娥河河東北曰雪山地多水泉青山之東有水曰劍河偶艇以度水至東北  
流經其國合而北入于海東至木馬突厥三部落曰都播弥列哥蘇其酋  
長皆為頡斤樺皮覆室多善馬俗乘木馬馳冰上以板藉足屋木支腋脚靴  
百步勢迅激夜鈔盜晝伏匿堅昆之人得以役屬之堅昆本疆國也地與突  
厥等突厥以女妻其酋豪東至骨利幹南吐蕃西南葛邏祿始錄薛延陀延  
陀以頡利發一人監國其酋長三人曰訖悉輩白居沙波輩曰阿米輩共治  
其國未始與中國通自觀二十二年間鐵勒等已入臣即遣使者獻方物其  
酋曰俟利發在阿棧身入朝太宗勞尊之謂群臣曰往借橋斬三突厥  
自謂功多今俟利發在席更覺過之俟利發酒酣奏願得持笏帝以其地為  
堅昆府拜俟利發左屯衛大將軍即為都督隸燕然都護高宗世再來朝景  
龍中獻方物中宗引使者勞之而國與我同宗非它蕃比屬蜀以酒使者頓首



玄宗世四朝獻乾元中為回紇所破自是不能通中國後狄語訛為黠戛斯  
蓋回鶻謂之若曰黃赤面云又訛為戛戛斯然常與大食吐蕃葛祿相依伏  
吐蕃之往來者畏回鶻剽劫必往葛祿以待黠戛護送大食有重錦其  
十橐它乃勝既不可兼負故裁為二十匹每三歲一餉黠戛斯而回鶻授其  
君長阿熱官為毗伽頓頡斤回鶻稍衰阿熱即自稱可汗其母突騎施女也  
為母可敦妻葛祿葉護女為可敦回鶻遣宰相仗之不勝罕闐二十子不解阿  
熱恃勝乃肆詈曰爾運盡矣我將收爾金帳於爾帳前馳我馬植我旗爾能  
抗亟來即不能當疾去回鶻不能討其將句錄莫賀道阿熱破殺回鶻可汗  
諸特勤皆潰阿熱身自將其牙及公主所廬金帳者回鶻可汗常坐也乃  
悉收其寶貨并得大和公主遂徙牙牢山之南牢山亦曰賭蒲距回鶻舊牙  
度馬行十五日阿熱以公主唐貴安遣使者衛送公主還朝為回鶻烏介可  
汗邀取之并殺使者會昌中阿熱以使者見殺无以通于朝復遣注吾合素  
上書言狀注吾虜姓也合言猛素者左也謂武猛善左射者行三歲至京師  
武宗大悅班渤海使者上以其處窮遠能脩職貢命大僕卿趙蕃持節臨慰  
其國詔宰相即為臚寺具使者使譯官考山川國風宰相德裕上言貞觀時  
遠國皆來中書侍郎顏師古請如周史臣集四夷朝事為王會篇今黠戛斯

大通中國宜為王會圖以示後世有詔以鴻臚所得績著之又詔阿熱者宗  
正屬籍是時烏介可汗餘衆託黑車子阿熱願乘秋馬肥擊取之表天子  
請師帝令給事中劉濛為巡邊使朝廷亦以河隴四鎮十八州久淪戎狄幸  
回鶻破弱吐蕃亂相殘齧可乘其衰乃以右散騎常侍李拭使黠戛斯册君  
長為宗英雄武誠明可汗未行而武宗崩宣宗嗣位欲如先帝意遣使册  
斯小種不足與唐抗詔宰相與臺省四品以上官議皆曰回鶻盛時有  
今幸衰亡又加黠戛斯後且生患乃止至大中元年卒詔鴻臚卿  
册黠戛斯為英武誠明可汗速感通間三來朝然卒不能取回鶻後之朝聘  
册命史臣失傳

贊曰夷狄資悍貪人外而獸內惟剽奪是視故湯武之興未嘗與其功焉疏  
而不厭也太宗初興嘗用突厥矣不勝其暴卒縛而臣之肅宗用回紇矣至  
略華之辱太子管殺近臣求索無倪德宗又用吐蕃矣劫平涼敗上將空破  
西隣所謂引水禍平內亂者也夫用之以權制之以謀惟太宗能之若二上  
儒昏狃而御之烏勝其弊哉彼親之則責債也多獲而不滿則激化以仁  
義則頑示以法則忿孰我險易則為患也博而慘察饒以治葛何時可哉  
春秋許夷狄者不一而足信矣



沙陀列傳第一百四十三

宋 祁 奉 敕 撰

唐書二日一十八

沙陀西突厥別部處月種也始突厥東西部分治烏孫故地與契丹俱在  
 居貞觀七年太宗以鼓靈立利邨咄陸可汗而族人步真歛謀其弟  
 射乃自立彌射懼率處月等入朝而步真勢窮亦歸國其留者咄陸  
 特勒劫越之于賀魯統之西突厥疆內相攻其大酋乙毗咄陸可汗  
 曷山之西號北廷而處月等又隸屬之處月居金娑山之陽蒲類之  
 磧名沙陀故號沙陀突厥云咄陸寇伊州引二部兵圍天山安西都護  
 格擊走之拔處月俟斤之城後乙毗可汗敗奔吐火羅賀魯來降詔拜  
 都督徙其部廷州之莫賀城處月朱邪闕俟斤阿厥亦請內屬未幾初  
 反而朱邪孤注亦殺招慰使連和引兵據牢山於是射脾俟斤沙陀  
 不肯從高宗以賀魯所領授之明年弓月道摠管梁建方契苾何力引  
 注俘九千之又明年廢瑤池都督府即處月地置金滿沙陀二州皆領  
 賀魯亡年遣大使阿史那彌射以伊麗水而處月來歸乃置崑陵都護府  
 咄陸部以彌射為都護龍朔初以處月酋沙陀金山從武衛將軍薛仁貴  
 鐵勒授黑離軍計擊使長安二年進為金滿州都督累封張掖郡公金山死



子輔國嗣先天初避吐蕃徙部北廷率其下入朝開元二年復領金滿州都督封其母鼠尼施為鄯國夫人輔國累封至壽郡王死子骨咄支嗣天寶初回紇內附以骨咄支兼回紇副都護從肅宗平安祿山拜特進驍衛上將軍死子盡忠嗣累遷金吾衛大將軍酒泉縣公至德寶應間中國多故北廷西州閉不通朝奏使皆道出回紇而虜多魚獮尤苦之雖沙陀之倚北廷者亦困其暴斂貞元中沙陀部七千帳附吐蕃與共寇北廷陷之吐蕃徙其部甘州以盡忠為軍大論駐番寇邊常以沙陀為前鋒久之回鶻取涼州吐蕃疑盡忠持兩端議徙沙陀于河外舉部悉恐盡忠與朱邪執宜謀曰我世為唐臣不幸陷于今若走蕭關自歸不愈於絕種乎盡忠曰善元和三年盡忠一萬落循烏德鞬山而東吐蕃追之行且戰勞洩水奏石門轉聞不解部眾略盡盡忠死之執宜哀癡傷去裁二千騎七百雜畜蒙宅千計款靈州塞節度使范希朝以聞詔處其部鹽州置陰山府以執宜為府兵馬使沙陀素健聞希朝欲藉以捍虜為市牛羊厰畜牧休養之其童孺自鳳翔盟元太原道歸者皆還其部盡忠弟葛勒何波率殘部七百叩振武降授左武衛大將軍兼陰山府都督執宜朝長安賜金敝袍馬萬計授特進金吾衛將軍外議者以靈武迫吐蕃恐後反覆生變又濱邊益口則食翔價頃之希朝領太原因詔沙

陀舉軍從之希朝乃料其勁騎千二百號沙陀軍置軍使而處於眾千定襄川執宜乃保神武川之黃花堆更號陰山北沙陀是時天子伐鎮州執宜以軍七百為前鋒王永宗眾數萬伏木刀溝與執宜遇飛矢雨集執宜提軍橫貫賊陣塵鬪未光顏等乘之斬首萬級鎮州刺史王鐸節度太原建言朱邪族孽熾散居北川恐啓野心願祈其族隸諸州勢分易弱也遂建十府以處沙陀八年回鶻過磧南取西城柳谷詔執宜也天德明年代吳元濟又詔執宜隸李光顏破蔡之時曲拔凌雲柵元濟平授檢校州都督尚書左僕射光顏軍長慶初代鎮州悉發沙陀與易定軍將角破賊深州執宜入朝留宿衛拜金吾衛將軍大和中柳公綽鎮河東奏陞北沙陀素為九姓之州所畏請委執宜治雲朔塞下發府十一料部人三千御北邊號代北行營授執宜陰山府都督代北行營招撫使隸河東節度執宜死子赤心嗣開成四年回鶻從口抵榆林塞宰相掘羅勿以良馬三百遺赤心約其攻彰信可汗可汗死節度使劉禹以沙陀擊回鶻于殺胡山久之代潞誅劉稹亦率代北諸軍二年隸石雄為前軍破石會關助王宰下天井合太原軍于榆社與監軍使呂義忠禽楊丹潞州平遷朔州刺史仍為代北軍使大中初吐蕃合党項及回鶻殘眾寇河西太原王宰統代北諸軍進討沙陀常深入寇諸



軍赤心所向虜輒披靡白五見赤馬將軍火生頭上始沙陀臣吐蕃其左老  
右壯嗣男女略與同而馳射矯悍過之虜倚其兵常苦邊及歸國吐蕃繇此  
亦襄宣宗已復三州七關征西戎皆罷虜遷赤心蔚州刺史雲州守捉使龐  
勳亂詔義成康承訓為行營招討使赤心以突騎三千從承訓兵絕渙水遇  
伏墮圍中幾沒赤心以騎五百撤出之勳欲連戰衆八萬短兵接赤心勒勁  
騎突賊與官軍夾擊敗之其弟赤衷以羊騎追之亳東勳平進大同軍節度  
使賜氏李名國昌預鄭王屬籍賜親仁里甲第回鶻叩榆林擾靈詔國昌  
為鄜延節度使又寇天德乃徙節振武進檢校司徒王仙芝陷荆襄朝廷發  
諸州兵討捕國昌遣劉遷統雲中突騎逐賊數有功乾符三年段文楚為代  
北水陸發運雲州防禦使是時無年文楚股損用度下皆怨邊校程懷信王  
行審蓋高李存璋薛鐵山康君立等曹議曰世多難丈夫當投鐔立攻段公  
乃儒者難共計沙陀雄勁李振武父子勇冠軍我若推之無不應則代北咄  
王可定拾取富貴若何咸曰善乃夜謁國昌子雲中守捉使克用曰歲艱粟  
食前五等不忍餓死公家威德著聞請誅虐帥安部內克用許之募得士萬  
人趨雲州次聞鷄臺城中執文楚至殺之據州以聞其克用為大同防禦  
留後不許發諸道兵進捕諸道不甚力而黃巢方引度江朝廷度未能制乃

赦之國昌為大同軍防禦使國昌不受命詔河東節度使崔彥昭幽州張  
公素共擊之無功國昌與竟項戰未決大同川吐渾赫連鐸龍振武盡取其  
賞械國昌窮挈騎五百還雲州州不納鐸遂取之克用轉側蔚朔間夏兵縱  
三千屯新城鐸引萬人圍之隧而攻三日不拔鐸兵殺傷甚國昌自蔚州來  
鐸引去僖宗以鐸領大同節度畀討國昌六年詔昭義李鈞為北面招討使  
督潞太原兵屯代州幽州李可舉會鐸攻蔚州國昌以一隊當之克用分兵  
抵遮虜城拒鈞天大雪士瘁仆餓衆潰還代州軍遂亂鈞死于兵虜明年  
以李琢為蔚朔招討都統率兵數萬屯代州克用使傅文達調蔚朔兵朔州  
刺史高文集縛以送琢琢進攻蔚州國昌敗走克用舉宗奔達韞密與西  
長圖之克用得其計因募衆大會馳射百步外針芒木葉無不中部人天  
即倡言今黃巢北寇為中原患一日天子赦我願與公等南向定天下庸能  
老沙磧哉達韞知不留乃止巢攻潼關入京師詔河東監軍陳景思發代北  
軍時沙陀都督李友金屯興唐軍薩葛首領米海萬安慶都督史劼存屯感  
義軍克用客塞下衆數千無所屬景思聞天子西乃與友金料騎五千入居  
絳兵擅劫帑自私還代州益募士三萬屯隴西士踞縱友金不能制謀曰今  
合大眾不得威名宿將且無功吾兄司徒父子材而雄眾所推畏比得罪于



朝僑戍北部不敢還今若召之使將兵代北豪英一呼可集整行伍鼓而南賊不足平也景思曰善乃丐赦國昌使討賊贖罪有詔拜克用代州刺史忻代兵馬留後促奉軍討賊克用募達靺鞨萬人趨代州將南道太原節度使鄭從謹塞石嶺關不得前克用僥道至太原營城下五日邀糧皆從謹不答乃大略還屯代州中和二年蔚州刺史蘇祐會赫連鐸兵將攻代州克用率騎五百先龍襲蔚州下之祐屯美女谷鐸與幽州李可舉眾七萬攻蔚州譙柵相屬克用直擣營入蔚州燔府庫棄而去屯鴈門國昌自達靺鞨率兵歸代州擾汾并樓煩不釋鎧帝詔克用還軍朔州於是義武節度使王處存河中節度使王重榮傳詔招克用同討巢克用喜即大閱鴈門得忻代蔚朔達靺鞨三萬騎五千而南於是國昌守代州鄭從謹不肯假道克用軍傳太原而營奉幣馬遺從謹身從數騎呼曰我且西願與公一言從謹升陴慰勉歸貨幣甕餼克用乃自陰地趨晉會河中帝聞擢克用鴈門節度神策天靈軍鎮遏忻代觀察使明年宰相王鐸承制授克用東北面行營都統河東監軍陳景思為監軍使克用使弟克脩領毅騎五百度河克用自夏陽濟留薛阿檀扼津口次同州壁乾院與賊戰梁田坡敗之進壁渭橋遂收京師功第一進同中書門下平章事隴西郡公國昌為代北軍節度使未幾以克用領河東節

度節度使宗權合寇河南四年克用率河東代北兵將自澤潞下天  
河陽諸將突瑾并以拒克用乃繇河中濟趨許州合徐汴兵破尚讓于太原  
戰西華文破之賊走河南平追之曹州還過汴朱全忠邀之克用留兵于郊  
入舍上源館夜帳飲全忠自佐獲進寶寶握手諄勞是時全忠已克用軍  
難制則連車外環陳兵道左右克用醉乃攻館下拒戰親將郭景銑城爛扶  
克用徐告之尚被酒乃引弓射會煙躡四合大震電克用與薛志勣等開關  
升南譙門縋走營部下死者數百人所獲賊乘輿物盡亡之克用  
原益訓兵將報仇使弟克勤以萬騎屯河中乃請擊全忠使者入  
恐帝使內謁慰解尋進位檢校太傅隴西郡王光啓元年幽州李可舉  
王景崇言易定故燕趙境請取分之二於是可舉攻易州下之景宗攻無極易  
定節度使王處存求救於克用克用自將救無極賊鎮又攻馬頭固新城鎮  
兵走處存使易州鳳翔李昌符郃靈朱致與全忠連和觀軍容使出令致  
惡克用與王重榮合建言不可處近輔請授王處存河中而徙重榮於易定  
則克用孤矣帝從之重榮以告克用怒曰我當從公提鼓出汜水關誅全忠  
迴鐵穴鼠耳重榮計曰公兵朝出關則郃岐兵之傳吾堞願先治郃岐克用  
乃表言致昌符連全忠為亂請以兵十五萬度河集二豎然後平汴雪天恥



願陛下戒嚴無為賊所搖帝遣使慰止背相望也克用不奉詔攻亦引邠鳳  
兵營沙苑克用薄戰致敗夜亡去克用還河中天子出趣鳳翔道傳兵且至  
即趣寶雞克用與重榮聯章請還官願留兵衛京師即還鎮帝懼走大散關  
駐興元克用引歸邠襄三煇偽詔至太原克用燔之執其使間道奉表興元  
始朝廷意致結克用迫乘輿及表至示群臣因騰眺山南諸鎮行在少安王  
行瑜斬致克用以千騎經略京畿三年國昌卒俄而昭宗即位進克用檢校  
太師兼侍中大順初克用自攻赫連鐸於雲州拔東郭幽州李匡威以兵三  
萬救之殺其將安全俊克用走鐸與匡威共建言山南亂克用實首之今乘  
其敗可伐而取也全忠亦請取與河北三鎮共討之宰相張濬是其計乃下  
制削克用官爵屬籍以濬為兵馬招討制置宣慰使京兆尹孫揆副之樞密  
使駱全諱為行營都監華州節度使韓建為行營馬步都虞候兼供軍糧料  
使王鎔領河東東面全忠南面李匡威北面並為行營招討使鐸副匡威先薄  
戰克用遣路直不肯行共殺守將李克恭送款于汴唐首闕下更詔揆為昭  
義節度使克用將李存孝遂揆長子殺之匡威鐸并吐著點莫斯眾十萬攻  
遮虜軍殺其將劉胡子克用乃屯軍河川存孝與鐸戰安鐸敗走濬入陰  
地關壁汾隰薛鐵山宋承高營濬用此戰存孝次趙城韓建夜出壯十二日

乘其營存孝伏以待建兵大奔存孝攻絳州未下晉州刺史張行恭棄城走  
建與濬潰還明年克用奉表自陳乃復拜檢校太師守中書令隴西郡王克  
用乘兵攻鐸雲州以騎將薛阿檀為前軍設伏河上鐸縱騎追阿檀遇伏而  
奔鐸立入吐渾克用取雲州以部將石善友為刺史大同軍防禦使景福初  
鎮州王鎔攻堯山克用使李嗣勳擊之斬級三萬克用遂拔天長略常山度  
厚沱燔其郭徇地至趙取鼓叢二城赫連鐸眾八萬攻天城軍克用飛檄發  
軍太原匡威已壁雲州北郊克用自神堆引軍夜入雲州死戰走之乾寧元  
年克用次新城鐸膝行詣軍門降克用鞭而縱之進下武州攻新州李  
引步騎七萬救之克用迎戰斬首萬級俘少將三百徇城下新州降取媯州  
匡籌棄幽州走明年幽州降克用以劉仁恭為留後乃旋王行瑜韓建李茂  
貞連兵南關下殺李谿克用盡調北都兵度河拔絳州斬刺史王珪次河中  
王珂謁于道同州三行約奔京師圍韓建于華州京師震動帝為幸石門沙  
城遣內謁都延豆蔻勞且言茂貞屯整屋行瑜屯興平克用乃進營渭橋帝  
以嗣延王戒丕嗣丹王允詔克用擊邠鳳克用奉詔屯渭北遣史儼以驃騎  
三千護石門且令王珂輸河中粟備行在帝以赤詔嘉谷進克用請道兵馬  
都招討使命二嗣王兄事之令促討行瑜克用請帝還京師以二千騎衛乘



輿時宮室煨殘駐尚書省百官喪馬克用進乘輿金具裝二馬又上百乘給  
從官進大師蕭中書令邠寧四面行營都統行瑜堅壁黎園茂貞自率師三  
萬逼咸陽而屯克用請帝責茂貞罷兵因削官爵願與河中共討帝以弟  
事行瑜貧茂貞俾結好朱詔賜魏國夫人陳氏陳襄陽人也善書帝所愛欲  
急平賊故予之茂貞以兵接龍泉克用使李空之李存審夜引兵劫其餉援  
兵亡行瑜潰而走追殺萬計行瑜之弟州正歸款克用使史儼入其城行瑜  
死慶州傳首京師帝采論幕府官屬又諸子功封爵之克用賜號忠貞平難  
功臣進封晉王克用屯雲陽遣李君言入朝且請與王珂悉力討茂貞帝不  
許克用私於使者曰叛根不除憂未艾也天子發度支錢三十萬給勞其軍  
時鄆州朱宣兄弟為全忠所困使來告克用請道于魏救之兵解復闔克用  
自將而往使李存信率兵三萬與史儼等次于莘為魏兵所破克用怒大略  
相魏去始茂貞畏克用見討脩貢獻如藩臣及克用還絕貢獻與韓建謀以  
兵入朝帝懼詔克用進衛京師帝謀度河幸太原遣延王入克用軍促迎天  
子既次清北建固請幸華州克用謂王曰患本於不斷顧上自為之李存信  
攻魏葛從周引眾三萬來援戰洹水上汴人夜攻諸野闕合克用于落落馬  
陷而顛克用救之亦顛追兵追射之乃免存信已傳魏城克用并力羅弘信

以捉生逆賊克用所敗追及鄂州闔而還於是陝州王珙攻河中李嗣  
援河東軍再勝琪圍解帝使延王持節至太原請克用曰不用卿計故遣此  
無可言者今我寄於華百司群官無所託非卿尚誰與憂不則不復見宗廟  
矣王至太原克用留累月每大張飲王必以舞屬克用因陳國事涕數行下  
冀感動之時劉仁恭據幽州貳于克用數召兵不應克用以書讓之仁恭得  
書抵于地遂顯絕故克用內憂幽州以好辭謝王不復有西意哉自許州  
州會晨大雲真仁恭來薄戰克用大敗走太原大將多死全忠奪那德  
州茂貞度克用沮撓無能出師乃與韓建謾好致書言帝集露宮  
宮室迎天子初長安自石門之奔宮殿焚地及岐人再逆火閭里比日盡宮城  
昏夜狐狸鳴啼無人跡帝幸華西溪望舊宮必愀然流涕左右悽塞不得語  
王建方盜兩川茂貞欲披其鄙私之數南師不暇東而全忠繕治洛陽茂貞  
因約克用共兵勞克用辭盛乃出賞為助光化初帝還京師詔克用與全忠  
解仇宰相徐彥若往鎮汴乃遺書鎔使為己偁全忠即遣使奉書幣恭其克用亦  
報之然汴日益張窮閭不置王琪請汴兵攻河中克用使李嗣昭張漢瑜援  
之汴兵走葛從周取承天軍氏叔琮取遼州樂平進壁榆次克用使周德威



逐出之李嗣昭以步騎三萬下太行略河內拔懷州進攻河陽汴人關其  
之嗣昭退保懷天復元年全忠取晉絳逼河中王珂告急使相瑒示人  
道晉兵不得前遂虜珂珂妻克用女不能救全忠遂有河中克用  
梗全忠知克用逆不振乃大舉攻太原分遣統將氏忠珙等率  
洛義武晉絳立環入之晉城邑多下會大雨汴軍糧乏士瘡痍遂解  
內憤悒憚全忠疆難與爭乃厚致幣馬謝復請脩好全忠遂取同華  
帝如鳳翔李茂貞韓全誨請召克用入衛克用間道遣使者奔問并  
忠勸還汴全忠不荅克用率兵趨平陽攻吉上堡破汴軍於晉州李  
德威下茲隱進屯河中汴將朱友寧以兵十萬辟其南全忠自屯  
晉州聞全忠至皆失色時有虹貫德威營長叔琮薄壘疾鬪晉兵  
皆盡友寧長驅略汾茲隱州皆下遂圍太原攻西門德威嗣昭循山  
得歸克用大恐身荷版築率士拒守陰與嗣昭德威謀奔雲州李存  
如依北蕃國昌妻劉語克用曰聞王欲委城入蕃審乎計誰出曰存  
此劉曰彼牧羊奴安辦遠計王常笑王行瑜失城走而死若何劬之  
且王頃居達觀危不免必一朝云此禍不旋踵耳  
散二復集嗣昭夜變友寧營汴軍引兵入城關後收茲隱汾

三川三王克用攻晉州聞帝自鳳翔還京師乃去雲州都將王  
劉再立以地予劉仁恭李嗣昭討之仁恭接劾暉嗣昭辟藥安欲戰  
仁恭取劾暉棄城去帝東遷詔至太原克用泣謂其下曰乘輿不復  
西矣遣使者奔問行在俄加號協盟同力功臣李茂貞王建與邠州  
楊崇本遣使者來約我舉克用顧藩鎮比附汴不可與共功推契丹  
阿保機尚可用乃里辭召之保機身到雲中與克用會約為兄弟  
留十日去遺馬千匹牛羊萬計期又大舉度河會昭宗弒而止  
四年王建李茂貞約克用大舉建將康昱騎一萬以克用監軍  
張永業會鳳翔是時汴將王重師守長安劉知俊守同州以戰長  
安西建兵敗遂不振唐亡建與淮南楊渥請克用自王一方須  
賊平訪唐室立之建請米蜀二制乘輿御物克用荅曰自王非吾  
志也建又勸茂貞王岐茂貞拜禰亦不敢當但修府第儲宮禁而已  
建遂乃自王是歲克用有疾城門自壞明年卒

贊曰沙陀始歸命天子仰哺于邊世喋血助征討常為邊兵  
雄至克用天下室亂遂有太原虜性博固少它腸自負材果欲  
經營天下而不克也兵雖勝然數敗地雖得輒復失故孰視帝  
劫遷縮頭羞汗偷景待僵不亦鄙乎賴其子慄銳抑而復振是  
時提兵託勤王者五族然卒亡朱氏為唐滌恥者沙陀



也使克用稍知古之能如齊桓晉文唐虞立乎哉

列傳第一百四十三

